

47
LETTRE no. 10
DU ROY

Escrite à Monsieur
d'Halincourt.

DU CAMP DEVANT

Montauban.

Du 3 octobre et 29 septembre 1693



A PARIS.

Chez NICOLAS ROVSSET, au Palais.
Iouxté la coppie de Lyon par N. Iullieron
& C. Larjot Imp. du Roy: Avec
priuilege de sa Majesté,

M. DC. XXI.

Avec Permission.

LETTER
D. V. R. O. Y.


TO THE
HONORABLE
THE LORDS OF THE
TREASURY

IN ANSWER
TO A RESOLUTION
PASSED IN THE
HOUSE OF COMMONS
THE 14TH OF
MAY 1688.
IN THE
YEAR OF OUR
LORD 1688.
AND OF OUR
SACRED
Majesties
THE SECOND
AND THIRTEENTH
YEARS.



LETTRE DV ROY

ESCRITE A MONSIEVR
D'HALINCOURT.

 MONSIEVR
D'HALINCOURT,
ie n'ay rien a res-
pondre sur toutes
les dernieres lettres
que vous m'avez
escrites , sinon que le Marquis de
Villeroy est arriué icy avec son Re-
giment, lequel est remply de tant
de bons hommes & bien armez,
que i'ay occasion d'en estre tres-

A ij

contant, & veux esperer, que comme ie croy qu'ils ont esté choisis par ledict Marquis entre plusieurs autres : quand l'occasion se presentera de tesmoigner leur valeur & leur courage ils en rendront les bons effects que l'on en doit attendre : & si ie vois que ie deusse auoir besoing de plus grand nombre d'hommes que ce que i'en ay ie ietterois bien volontiers les yeux sur le Comte de Bury, pour luy donner semblable employ. Cependant i'ay eu à plaisir de le voir icy, où il se rend capable de me seruir en d'autres occurrences. Le ne vous puis rien escrire de particulier de ce Siege, sinon que nous l'auançons le plus qu'il nous est possible : mais c'est vn ouurage qui ne va pas si viste


que ie le desirerois , tant parce
que la place est tres-forte , que
aussi pource que ceux qui sont
dedans monstrent auoir du cou-
rage & de l'experience : mais ne-
antmoins i'espere que dans peu
de iours i'en auray la raison d'une
façon ou d'autre. Il y a quelques
iours que le Duc de Rohan fit vn
effort pour essayer d'y faire entrer
du secours , mais il fut si mal trai-
cté que ie n'estime pas que les au-
tres ayent enuie d'y venir : vous
en verrez les particularitez par le
memoire que vous trouuerez cy
enclos. I'ay veu & consideré ce
que vous auez mandé deçà , de ce
qui se passe du costé du Duc de Sa-
uoye , & en ses Estats , comme aussi
des deportemens de mes subjects
du costé de Dauphiné , & autres de

vostre voisinage. Je vous prie de
 continuer de m'aduerter de ce que
 vous en apprendrez , & apporter
 tousiours ce qui despendra de vous
 pour la manutention de mon au-
 thorité, & le bien de mon seruice en
 ces quartiers de delà. Au surplus, i'ay
 eu aduis de quelque petite sedition
 qui s'est passée à Paris , contre ceux
 de la R. P. R. dont ie suis tres-desplai-
 sant , comme estant grandement
 preiudiciable au bien de mon ser-
 uice: aussi a elle esté suscitée par des
 personnes qui sous pretexte de zele
 & de religion , font ce qu'ils peu-
 uent pour troubler la tranquillité
 publique. I'ay escrit que l'on adui-
 se aux moyens de les faire chastier
 selon leurs demerites. Et vous prie
 de faire prendre soigneusement
 garde , que semblable chose n'arri-

ue en ma ville de Lyon, & autres lieux où vostre pouuoir s'estend. Sur ce ie prie Dieu, Monsieur d'Halincourt, vous auoir en sa sainte garde. Escrit au Camp, deuant Montauban, ce troisieme iour d'Octobre 1621.

Signé LOVYS.
Et plus bas,

PHELIPEAUX.



DE MONTAUBAN
le 29. Septembre 1621.

LE Duc de Rohan ayant esté
dés le commencement de ce
Siege, sollicité & pressé par ceux
de Montauban d'assembler vne
armée pour venir à leur secours:
Il se feroit acheminé au bas Lan-
guedoc, & aux Seuennes, où il
a recueilly & ramassé tout ce
qu'il à peu de soldats, & gens
de guerre, lesquels il auroit con-
duits iusques à Castres, à la fa-
ueur des places, que ces Rebelles
tiennent en ces quartiers-là ou
estant, il s'arresta tant pour ioin-
dre

dre encores quelques troupes
 qui s'estoiēt ramassées en Roüer-
 gues, Albigeois, Lauraguais, Foix,
 & autres lieux circonuoyfins, que
 pour aduiser aux moyens & à
 l'ordre qu'il auoit à tenir pour
 venir secourir les assiegez. Mais
 ayant à son arriuée audit pays,
 recogneu la difficulté voire im-
 possibilité qu'il y auoit d'en ten-
 ter le hazard, à cause du bon or-
 dre que Monsieur le Duc d'An-
 goulesme auoit mis à tous les
 passages. Lequel auoit mesmes
 des-jà desfait quelques iour au-
 parauant vne partie de ses trou-
 pes : il se contenta de faire cou-
 ler douze Enseignes iusques à
 S. Anthonin, qui est distant de
 Montauban de cinq ou six lieües
 du pays, en intention de les iet.

ter dans la place. Et de faiēt le
 lendemain de leur arriuée audit
 S. Anthonin, ils en partirent à
 la faueur des bois & rochers, fa-
 uorables à l'Infanterie. Ils se mi-
 rent dans vne forest proche, à
 la faueur de laquelle ils approche-
 rent enuiron deux lieuës. Et ayant
 recogneu qu'il y auoit du peril
 pour eux de passer plus outre, à
 cause de l'ordre que les chefs de
 l'armée de sa Majesté y auoient
 donné: ils s'y arrestèrent près de
 deux iours. Et depuis y ayant per-
 du quelques soldats se retirèrent
 audit S. Anthonin, où ils demeu-
 rent encores deux ou trois iours,
 & iusques au Lundy 27. de ce
 mois, que pensans treuuer la voye
 plus libre, ils partirent le soir du
 dit lieu, & s'acheminèrent avec

telle diligence à la faueur de la nuit, que vers les trois heures du matin ils arriuerent dans les quartiers de l'armée de sa Majesté, proche de ladite ville. Et leurs guides les ayans menez dans les retranchemens du Regiment de Normandie, des Suisses, & du Baron d'Estissac: ils voulurent faire quelque effort sur eux. Mais ils y furent si viuement repoussez, qu'il y en demeura sur la place pres de deux cens cinquante morts, & bien autant de blesez & de prisonniers, entre lesquels furent le Sieur de Beaufort chef de cette entreprise, & le Gouverneur de saint Anthonin, qui en menoit l'auant-garde, la plus part de leurs drapeaux pris: & le reste de leur troupe cher-

cha son salut, se iettans deçà, de là dans les fossez, qui sont fort profonds, dans les vignes, où le iour estant venu, ils furent encor pris & emmenez par troupes en tres grand nombre. Et mesmes vers l'apresdinée le Comte d'Ayen, qui estoit à cheual avec sa troupe sur le chemin de sainct Anthonin, pour prendre garde à ceux qui se voudroient retirer, en rencontra vne troupe de trois cens ensemble, qui y cherchoient leur retraicte, lesquels à l'instant il chargea si rudement, que Capitaines & soldats se rendirent tous en mesme temps à sa discretion, & à la misericorde de sa Majesté. Bien est vray que lors du combat, qui fut fait aux retranchemens de la vil-

le, il y en eut environ six ou sept vingts, qui se iauuans de vitesse trouuerent moyen de se ietter dans la ville. Mais avec tel effroy, que la pluspart y furent blesez, & tous auoient ietté leurs armes pour s'y porter plus legement: tellement que le secours que les assiegez en auront receu, leur a porté plus d'effroy, & d'espouuante, que de consolation & d'assistance. Et est à croire que se voyans plus viuement pressez dans la place, qu'ils n'ont pas encores esté, par le renfort de sept ou huit mil hommes qui sont nouuellement arriuez, tant sous la conduite de Messieurs le Duc de Montmorency, Marquis de Villeroy, que d'autres particuliers: ils seront contraincts dans

peu de temps de chercher plu-
 tost leur salut en la clemence
 de sa Majesté, que dans la force
 de leurs armes, ny de leurs mu-
railles.

